



ISTITUT CULTURAL LADIN
MUSEO LADIN DE FASCIA

COMUNICAT STAMPA

Sèn Jan, ai 4 de jugn 2018

Pro Loco de Vich - Istitut Cultural Ladin CONZERT DE “LA CORALINA DI GNOSCA”

Sàbeda ai 16 de jugn, da les 9 da sera
Sala de Comun de Vich

En ocasion de la Sègra de Sèn Vit, en sàbeda ai 16 de jugn ló da la Sala de Comun de Vich (Sèn Jan de Fascia) se tegnarà l conzert “**Canti a Maria e Canti dell’anima**” de la “**La Coralina di Gnosca**” (Svizra).

L cor de eles, metù sù jà del 1980, l’è ret da una de la fondadores, Francesca Gianoni, e l portarà dant n repertorie che tol ite tant la mùsega sacra, con toc de Haydn, Brahms, Saint Sääns e Massenet, che chela profana, metan donca ensema la polifonìa classica con toc più populères che vegn cà da desvalives raions del mond, anter chisc ence valguna compojizions de Bepi de Marzi.

L fil ros de l spetàcol sarà, desche anuzià tel titol, la cianties de l’ènema, leèdes tant a la religiosità, personifichèda da la Madona, che ai aspec più intimes e emozionèi che tol ite tematices che fèsc nascer sugestions fones: i sons, l’èlba, naines ciantèdes, l’invern, la serenità e la conties.

Chest percors tol ite ence doi Aries Todesces de Händel per sopran, flaut e bas continuà che sarà de segur zeche de fora de anter e, per onorèr la tradizion che cognoscion de più, vegnirà portà dant ence n tòch dedicà a la contia de Soreghina.

Donca n apuntament zis enteressant per cognoscer na neva realtà corala, l cor de eles, che te noscia val no se troa da spes, e per poder aprijier n repertorie gran e piäjegol.

Se trata donca de na gran bela orida per la sègra de Vich che jirà inant la dì dò, da mesa les diesc da doman, co la Messa grana te geija de Sènt’Uiana.

Info
Museo ladin de Fascia
Strada de Sèn Jan
38039 Sèn Jan
museo@istladin.net
0462.760182

ISTITUT CULTURAL LADIN “majon di fascegn” – MUSEO LADIN DE FASCIA

38039 Sèn Jan di Fassa (Tn)
tel. 0462 760182 – museo@istladin.net – www.istladin.net